

御注曰知其愚者非大愚也知其惑者非大惑也大惑者終身不解大愚者終身不靈

涑水司馬光曰病人能自知其病斯不甚病矣

道真仁靜先生曹道冲曰能知病為病則終不為病聖人緣何不病聖人知病為病終日循省是以不病

清源子劉驥曰聖人所以不病以病其病而去其病也

民不畏威章第七十二

民不畏威則大威至矣

御注曰小人以小惡為無傷而弗去也故惡積而不可揜易曰何校滅耳凶

道藏輯要

道德真經  
彭鶴林集註

素  
心集八

碧虛子陳景元曰大威謂死兆也君子有三畏畏天命畏大人畏聖人之言夫人立身以憂畏為本若以小惡為無傷而不憂畏遂積之盈貫以致乎大威至而不可逃也嚴君平曰大威已至乃始為善當是之時道德不能救天地不能解非天之罪也

穎濱蘇轍曰夫性自有威高明光大赫然物莫能加此所謂大威也人常患溺於眾妄畏生死而憚得喪萬物之威雜然乘之終身惴慄之不暇雖有大威而無自知也苟誠知之一生死齊得喪坦然無所怖畏則大威熒然見於前矣

劉概曰詩曰畏天之威于時保之蓋眾人不知畏天之威故

大威至矣

清源子劉驥曰世俗之人不知天命不畏天威以小惡爲無傷而不知憂畏然積之足以滅身以至大威至而無所逃於天地之間大威謂死兆也

黃茂材曰夫民冒險而行死亡有所不顧何威之畏不畏威則大威及之孰爲大威不有人禍必有天殃是也

無狹其所居無厭其所生夫惟不厭是以不厭

御注曰居者性之宅人之性至大不可圍而曲土不可以語於道者狹其所居故也擴而充之則充滿天地包裹六極無自而不可孟子曰居天下之廣居生者氣之聚人之生通乎

道藏輯要

道德真經  
彭鶴林集註

无

XOY

心集八

物之所造而厭其所生者且晝之所爲有枯亡之矣枯之反復則夜氣不足以存彼保合太和而無中道天者無厭其所生故也

碧虛子陳景元曰古本作狎狎書也所居謂所居之處也厭惡也所生謂道也言畏慎之人凡居處當擇善鄰無習惡友清靜自守使災禍莫干形全神王斯所謂畏慎之深也人不可厭惡其道當服勤儉仰則可以承保元吉也若縱其欲惡厭道慢德則禍不旋踵矣

頴濱蘇轍曰性之大可以包絡天地彼不知者以四肢九竅爲已守也守之而不厭是以見不出視聞不出聽慕然其甚

陋也故教之曰無狹其所居彼知之者知性之大而吾生之狹也則愀然厭之欲脫而不得不知有厭有慕之方囿於物也故教之曰無厭其所生夫惟聖人不狹不厭與人同生而與道同居無廣狹淨穢之辨既不厭生而後知生之無可厭也

劉槩曰無狹其所居德之地也無厭其所生德之本也德之地盡性也德之本至命也

清源子劉驥曰無狹其所居無厭其所生所以畏威也居者性之宅也擴而充之無狹其所居則居天下之廣居與萬物同其情與虛無同其體生者氣之聚也寶而持之無厭其所

道藏輯要

道德真經  
彭鶴林集註

三  
心集八

生則含太虛之至精與天地合其德與日月合其明曲士不可語於道或狹其所居或厭其所生也小智自私惑於存想狹其所居者也棄有著空蔽於斷滅厭其所生者也夫道不棄人人自棄道人若不厭道道亦不厭人故夫惟不厭是以不厭

黃茂材曰無厭其所生欲其好生也夫能好生則能長保其生何厭之有

程大昌曰不厭之一語方且重複言之者其一在上其一在下也夫惟不厭者君上不厭也是以不厭者民多賴也故曰夫惟不厭是以不厭也

是以聖人自知不自見自愛不自貴故去彼取此

御注曰聖人有自知之明而不自見以矜其能有自愛之仁而不自貴以臨物若是者處物不傷物物莫之能傷也方且樂天而無憂何威怒之足畏乎聖人之所去取抑可見矣

碧虛子陳景元曰若夫去彼自見自貴之僞縱而取此自知自愛之畏威得其尊道奉天之理而天道亦不厭惡於人是故威罰外消而生道內足也

穎濱蘇轍曰聖人雖自知之而不自見以示人雖自愛之而不自貴以眩人恐人之有厭有慕也厭慕之心未忘則猶有畏也畏去而後大威至矣

道藏輯要

道德真經  
彭鶴林集註

三

XI

心集八

道真仁靜先生曹道沖曰自知消息損益惟道是從不自見功能求顯於世保身自愛內自修鍊不自貴其身而耀俗彼謂外物此謂自真

達真子曰所居不能無狹所生不能無厭者蓋由乎自見其自知之性自貴其自愛之心也唯雖自知也不自見雖自愛也不自貴則所居不狹而廣所生不厭而善故聖人去彼自知自愛之情取此不自見不自貴之心也

黃茂材曰知者在心見者在目故知可自而見不可自愛者在我貴者在人故愛可自而貴不可自去彼去其自見自貴者也取此取其自知自愛者也